



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Svmma Eorvm Qvae Ab Eymerico In Singvlis Directorii Partibvs Tractantvr.

urn:nbn:de:hbz:466:1-13589

SVMMA EORVM QVAE AB
EYMERICO IN SINGVLIS
DIRECTORII PARTIBVS
TRACTANTVR.

Summa seu institutum Primæ Partis.


RADITVRVS EYmericus quæcunque ad negotium Inquisitionis contra hereticam prauitatem spectant, & quæ ad instruendos, ac dirigendos iudices violatæ religionis exiguntur, vt munus suum in causis fidei plenè perfectèque possint adimplere, cum nequeant nosse causam hæresis, ad quam extirpanda sunt constituti, nisi probè intelligant quæ ex fide sunt credenda, & catholicas veritates, quibus hæresis opponitur: ideo in prima operis parte ea commemorat, quæ ad constituendam, & stabiliendam, seu (vt ipse loquitur) ad plantandam fidem pertinent, vt vno contrario cognito alterum facilius percipiatur. Itaque ex varijs locis in vnum locum confert, & summorum Pontificum, & Conciliorum, & Canonum, & Sanctorum Patrum, & legum decreta, ad fidem, & varios fidei articulos, & catholicas veritates constituendas spectantia, nihil ferme de suo apponens, contentus sola decretorum recitatione: vnde primum congerit ex iure Canonico decreta titularum de summa Trinitate, & fide Catholica, & ea occasione insignium quorundam interpretum expositiones super ea: inde leges ex Codice. tit. de summa Trinitate: inde suo ordine cætera eodem consilio. Postremo duodecim addit quæstiones, quibus satisfacit plurimis difficultatibus, quæ circa fidem fideique articulos contingere possunt, quas paucis additis, & mutatis, desumpsit ex beato Thoma Aquinate.

Summa seu institutum Secundæ Partis.

Absolutis in prima parte, quæ ad fidem constituendam attinent, explicat protinus in secunda quæcunque fidem ipsam corrumpere possunt ac violare, vt Catholici ab his abstineant; primum tamen refert vniuersa decreta contra hæreticos, & de pœnis eorum sancita, quæ in toto iuris Canonici corpore sub titulis de hæreticis continentur: inde ex varijs etiam eiusdem iuris titulis eodem consilio accumulat multas decretales, quæ etiam huic negotio deseruiunt: inde extrauagantes nonnullas, & litteras Apostolicas, quæ de hæretica prauitate coercenda edisserunt: addit præterea ob eandem causam insignium quorundam iuris interpretum glossata, quibus præcedentia de hæreticis decreta declarantur: inde propius ad rem accedens, ex vetusto Concilio Tarraconensi fragmenta quedam commemorat, quibus agitur de multiplici hæreticorum genere, & vetustis pœnis, ac pœnitentijs eorundem: inde addit quæst. 58. quibus, quid hæresis, quid hæreticus, quid error sit, ostendit: rursus vsque ad quæst. 38. multorum

rum Philosophorum, & omnium fere hereticorum tam veterum quam recentiorum sectas, nomina, & errores recenset: tandem à quæst. 38. usque in finem eiusdem partis secundæ, singulari methodo de his omnibus sigillatim agit, qui Inquisitorum iurisdictioni subiiciuntur. Itaque de hereticis, de blasphemis, de sortilegis, de inuocatoribus Demonum, de apostatis, & de cæteris huiusmodi accuratissimè differit.

Summa seu institutum Tertiæ Partis.

 *V*M coercendi sint heretici, de quibus differuerat parte secunda, in postrema praxim docet, qua in officio Sanctæ Inquisitionis res fidei, seu delicta in fidem commissa tractari debeant, & puniri. Primum tamen quid Inquisitoribus de nouo creatis sit agendum docet: inde qua ratione processus initium accipiat, tradit; & quia tribus modis potissimum in causis fidei procedi potest, per Accusationem, Denunciationem, & Inquisitionem, de singulis differit, & appositis exemplis illustrat: inde quomodo idem processus sit continuandus similiter indicat, docens quidquid ad personas in hoc iudicio requisitas spectat: inde modos tresdecim singulares persequitur, quibus omnis causa heresis in Sancto Inquisitionis officio finiri potest. Tandem in fine operis 131. quæstiones proponit, quibus dirimit omnem fere difficultatem spectantem, vel ad iudices violatæ religionis, vel ad eorum potestatem, & iurisdictionem, & priuilegia, seu prerogatiuas, vel ad ministros Sancti officij, vel ad peritos, & aduocatos, vel ad testes, vel ad reos, vel ad pœnas reorum. In his itaque partibus ita sunt ordinata traditaque omnia, vt nihil fere desideres ad Sanctissimum Inquisitionis officium spectans; quod in hoc opere singulari non contineatur.